

ԱԿՍԵԼ ԲԱԿՈՒՆՑ
(Մենդյան 80-ամյակի առթիվ)

ԻՆՖԱՅԵԼ ԻՇՊԱՆՅԱՆ

Ակսել Բակունցի հայրը՝ Ստեփան Թևոսյանը, Գորիսի Շենից էր, մայրը՝ Բոխլադյուկ Խուրշուդյանը, հարևան Երիշեն գյուղից: 1895 թ. Ստեփանը հինավուրց Շենից ընտանիքով փոխադրվում է հարթավայրում կառուցվող Գորիս գյուղաքաղաքը, 1899 թ. հունիսի 13-ին նրա ընտանիքում ծնվում է չոր-



րորդ երեխան՝ Ալեքսանդրը, որը և առաջին արու զավակն էր: Նրանից հետո Թևոսյաններն ունեցել են ևս չորս որդի և չորս դուստր:

Ստեփանը գյուղացի էր, բայց ձեռքի բնածին արատի պատճառով դժվարանում էր հողագործությամբ զբաղվել և բախտը փորձում էր առևտրի մեջ: Նրա գործերի լիակատար ձախողմանը զուգահեռվում է Ալեքսանդրի ծնունդը, և տան անդրանիկ որդու մանկությունն անցնում է ծայր աղքատության մեջ:

Ալեքսանդրը (Սանթրին) մեծանում էր որպես դուզի սովորական երեխա, սովորում տեղի հայոց «խեղճ» ուսումնարանում: Նա հաճախ էր լինում մայրական գյուղում՝ Հարություն (Արթին) պապի նահապետական տանը. այդ տպավորությունները հետագայում ամենից ավելի մարմնացան բակունցյան էջերում:

Ալեքսանդրը շատ լավ աշակերտ էր, բայց՝ ոչ արտակարգ: Արտակարգը, որ այն տարիներին դիտել են նրա մեջ ընկերները, մտերիմները, հոգեկան ծով բարությունը և արդարության ծարավն են եղել, այն: հատկությունները, որոնք պետք է հավասարապես ճառագեին թե՛ մարդ Ալեքսանդրի ժանր կյանքի դժվարին ուղիներում, թե՛ արվեստագետ Ակսելի «մյուռոնի նման սրրազնազույն երգերի», «սկիհներին» մեջ:

1910 թ. Մատթեոս Բ կաթողիկոսը հարգում է 152 գորիսեցիների «խորին խնդիրը»՝ «նյութական միջոց չունեցող» Թևոսյանի «առանձնահատուկ ընդունակության» տեր որդուն էջմիածնի ճեմարան ընդունելու մասին: Սկսվում է Ալեքսանդր Բեկյանի կամ Բակունցի (այդպես գրվում էր իր չորրորդ պապի անունով, որ ըստ տեղեկությունների եղել է Բեգլար, ըստ մի աղբյուրի՝ Բեգյուն) կյանքի նոր շրջանը:

Հայաստանի տարբեր կողմերից եկած ճեմարանականների մթնոլորտում զանգեզուրցի Ալեքսանդրը զգաց Հայաստանն ամբողջական, պատմական առումով և հայ ժողովրդին՝ ամբողջությամբ, առանց ռուսահայ-թուրքահայ անմիտ հակադրության, առանց գյումրեցի, դարաբաղցի, բայազետցի, գորիսեցի, վանեցի, քոլեցի և այլ եցի-ների տղայամիտ խտրականության, Պատանեկությանից Ալեքսանդր Բակունցի մեջ համազգային զգացողությունը կայունություն ստացավ։ Սա կարևոր էր մանավանդ այն տեսակետից, որ Բակունցը, դառնալով Զանգեզուրի մեծ երգիչը, միաժամանակ եղավ ամբողջ հայոց բնաշխարհի գունանկարիչը։ Նրա ստեղծագործություններում զանգեզուրցիներ Մինա Բիրի, Ավան ամու, Անա զիզի, Խոնարհ աղջկա, Արթին պապի և մյուսների հետ այսօր մեզ ողջունում են սասունցի Հազրոն, վանեցի Մեջիտա մայրիկը, խարբերդցի Լառ-Մարգարը, նաև մշեցի, դարաբաղցի, դազախեցի, խոտորչեցի, էջմիածնեցի, լոռեցի հերոսներ ու հերոսուհիներ։

Ճեմարանում Ալեքսանդրը սովորում էր գրաբար, այլ լեզուներ, պատմություն, երգում էր երգչախմբում։ Նա պատրաստվում էր պատմաբան դառնալու, երբ պատմության ուսուցիչներից մեկը՝ Աշոտ Հովհաննիսյանը, կարդալով Ալեքսանդրի շարագրությունը վարդանանց պատերազմի մասին, խորհուրդ տվեց իր սանին ոչ թե պատմաբան, այլ գրող դառնալ։ 1913 թ. Բիֆլիսի «Աղբյուրում» տպագրվեց Ա. Բակունցի երախայրիքը՝ «Հիմար մարդը» հեքիաթը։

1915—1917 թթ. Բակունցը զբաղվել է ուսուցչությամբ, հասարակական գործերով, մասնակցել ինքնապաշտպանական խմբերի կազմակերպմանը։ Իսկ 1917 թ. վերջում, երբ ռուս-թուրքական թուլացած ռազմաճակատում կուտակվող մոայլ ամպերը մի նոր արհավիրք էին հղանում հայ ժողովրդի գոյության դեմ, Բակունցը կամավոր մեկնեց ռազմաճակատ։ Մի քանի գորամասների կազմում նա մասնակցել է Ալաշկերտի, Իլլիջայի, Արդահանի և այլ ծանր ճակատամարտերի։ Բակունցի մարտական ընկերները պատմում են, թե ինչպես նա կյանքը վտանգելով փրկել է մերթ ընկերներին, մերթ որևէ հայ որբի կամ անպաշտպան կնոջ կյանքը։ Բակունցը իսկական ասպետ է եղել նաև հակառակորդի նկատմամբ՝ զինաթափ ու վիրավոր գերուն կամ ծնրերին, կանանց, երեխաներին, թուրք լե քուրդ, վնասելու Ալեքսանդրի կարծիքով բարոյական և ազգային անկում էր հայ զինվորի, ամեն հայի համար։

Ծանր հիվանդ (ներքին ականջի սուր բորբոքում) Ալեքսանդրը հասնում է Երևան, երբ Բաշապարանի ու Սարգարապատի մոտ են կուտակվում ահավոր նոր աղետի ամպերը։ Եվ Բակունցը հիվանդ՝ դարձյալ հրացանն առած դիրք է բռնում Սարգարապատի դաշտում, մասնակցում հայոց նոր Ավարայրին։

Այնուհետև՝ Թիֆլիս, Խարկով, գյուղատնտեսական ինստիտուտ։ Եվ գյուղատնտեսի ավարտականով Բակունցը նորից հայտնվում է հարազատ Զանգեզուրում, իբրև գավառային գյուղատնտես՝ դարձյալ նվիրումով, դարձյալ հիշվող ու մոռացված բազում օգտակար գործերով։

Բակունցը ստեղծագործել է անընդհատ՝ ճեմարանի սան եղած օրերին, ուսուցիչ ու զինվոր եղած տարիներին, ուսանողական շրջանում, ռազմաճակատում, թեև իր ստեղծագործությունները մեծ մասամբ «հրապարակում էր» ընկերների շրջանում, լսում նրանց կարծիքները։ Միայն նրա հատուկենտ պատմվածքներն ու հոգվածներն են տպագրվել լրագրերում 1915—1918 թթ.։

Բակունցի տաղանդը այսպես աննկատ ապրեց ու զարգացավ ավելի քան մեկ տասնամյակ և, երբ 1924—1926 թթ. Ակսել ստորագրութեամբ իրար ետևից սկսեցին հրապարակվել մի շարք ակնարկներ ու պատմվածքներ, որոնց վիճակված էր դառնալու հայ գրականության զանձարանի մարգարիտներից, շատերն էին զարմացել անհայտությունից միանգամից գրական ասպարեզ մտնող դուռնատնտես-դրողի վարպետության վրա:

Բակունցի մասին գրելիս դժվարություն է առաջանում նույն անձի մեջ միավորված պայծառ մարդուն արվեստագետ գրողից զանազանելիս. այս դեպքում Զանգեզուրը հայ ժողովրդին պարգևել է խղճմտանքով զարմանալիորեն առատ, զգայուն հոգու տեր անձնավորության և խոշոր արվեստագետի մի անբախտելի միասնություն: Ակսելյան պայծառ կերպարները՝ նրա հեղահոգի ու բարեսիրտ այգեպանները, հովիվները, բրուտները, ջրաղացպանները, իրոք, որ Ակսելյան այդ ներքին պայծառության ճառագայթներն են:

Բակունցը եղավ հայ գյուղի վիպերգիչը, ուստի նա զգալի չափով ներկայացուցիչն էր հայ գրականության, ինչպես ընդունված է ասել, բնաշխարհիկ ուղղության, որ սկիզբ էր առել Աբովյանից և Պռոշյանի ու Աղայանի միջոցով հասել անցյալի նրա խոշորագույն ներկայացուցչին՝ Թումանյանին: Բակունցը նոր որակ տվեց այդ ուղղությանը. նրա կերպարները, եթե ինչ-որ չափով իրենց մեջ կրում են նախորդ շրջանի հեղինակների թողած դիմաքանդակային ավանդները, ապա ավելի մեծ չափով յուրովի ակսելյան են, նորաբույր հայ գրականության մեջ: Գյուղական նահապետների այնպիսի հմայիչ կերպարներ, ինչպիսիք են Աթա ապերը («Նղբայրության ընկուզենիները») կամ Ավան ամին («Կարմրաքար»), անշուշտ, իրենց մեջ կրում են Պռոշյանի խնչանի կամ Թումանյանական «Հառաչանքի» ծերունու ինչ-որ գծեր, բայց և պատկերված են բոլորովին նոր գույներով, նոր համադրություններով:

Իսկ կերպարների մի ամբողջ շարք ուղղակի Բակունցի գյուտն էր: Խոսքը բարձր գրականության համար մեծ մասամբ աննկատ մնացող այն մարդկանց պատկերումների մասին է, որոնց երբեմն անվանում են սովորական կամ սովորականից սովորական, նույնիսկ՝ անգույն. Հոմերոսի Աքիլլեսից ու Հեղինեից մինչև Տոլստոյի Բալկոնսկին ու Նատաշան գեղարվեստական երկերի մեջ գլխավոր հերոսները, սովորաբար, շրջապատից ինչ-որ ակնառու բարեմասնությամբ կամ դիրքով զանազանվող մարդիկ են եղել: Նույնիսկ ամենաժողովրդային հայ բանաստեղծի Սարոն, Մոսին, Անուշը գյուղում աչքի ընկնող անձինք էին: Իսկ Ակսելյան լավագույն երկերի գլխավոր հերոսները դարձան գյուղացիական «միակերպ» զանգվածում շնչմարվող մարդիկ՝ մի հովիվ Պետի՝ երեսը ծաղկատար, աչքը հատ ընկած, գյուղից մոռացված, գոմերում տավարի հետ գիշերող, մի Մարգար՝ մանրիկ, ջրակալած աչքերով, երկար, բարակ ոտքերով, չոր կրծքով կամ մի չարքաշ Տիգրանուհի՝ բոպիկ, ճաքճաք, վերքոտ ոտքերով...:

Գյուղացիական զանգվածում, «գորշ» մարդկանց մեջ Ակսելյան հանճարը նկատում էր մարդկային հոգու զարմանալիորեն վեհ ու մեծ հարստություններ և վառ գույներով այդ «աննշան» մարդկանց ներկայացնում իբրև իր երկերի գլխավոր և կենտրոնական հերոսներ: Նա ստեղծեց այդպիսի հերոսների մի մեծ պատկերասրահ, որ Ակսելյան յուրովի գույների ընդհանրությամբ հանդերձ բնավորությունների մեծ բազմազանություն ունի. վանդունց-Բադի և Հազրո, որսորդ Ավի և Շուղանց ալևոր, բրուտ Ավագ և Արթին պապ...

Մանաս և Չետանց Ունան, Արզուման և Դիլան դայի, Հաթամի աղջիկ և Շարմաղ բիրի, Սոնա և Նազու աղջիկ... շղթան երկար է, և օղակներից յուրաքանչյուրը գրավիչ ու հուզիչ բոլորովին յուրովի: Քրիկնապահին՝ Արթին պապիս նստելու տեղը կամարակապ դարպասի նիշն էր, որի ներքևի մասը, գետնից մի մետրաչափ բարձր, կոկիկ տաշած էր, քարե աթոռի պես սարքած: Կնստեր իր տեղը, կկոթներ հոնի կարմիր մահակին, գլուխը մի կողմի վրա կթեթեր և, եթե զրուցընկեր չունենար, ինքնիրեն կխոսեր և քթի տակ կժպտար: Երբ նա ժպտում էր, նրա կապույտ աչքերը փոքրանում էին, և աչքերի տակ շարվում էին բարակ կնճիռները— այսպես ասքային-հանդիսավոր մուտքով է սկսում Բակունցը մի խեղճ ու պարզ գյուղացու, բայց և հայ գրականության ամենահմայիչ կերպարներից մեկի՝ Արթին պապի մասին իր ստեղծած վիպերգը, որ ձոն է մարդկային ազնվության, հոգեկան հուզիչ մաքրության: Ահա և այդ ասքի վերջը. «Շատ տարիներ են անցել: Այդ անցյալը ինձ համար դարձել է հիշողություն, որ հետզհետե ընկղմվում է մոռացության անդունդը, Միայն երբեմն աչքիս առաջ երևում է իմ Արթին պապի ալեհեր գլուխը, նրա կապույտ աչքերը և խեղճ ժպիտը»:

Հիշենք նաև հայոց լեռների և ձորերի խոտ ու ծաղկի հարազատ բարեկամի՝ «աշխարհից մոռացված» նախրապան Պետու բակունցյան պատկերման մի դրվագը, «Թիկնել էր քարին, նայում էր դիմացի բլուրներին: Արևի շողերի տակ ինչ-որ վեհություն կար Պետու շարքաշ պղնձագույն դեմքին, փոս ընկած աչքերում անհուն բարություն կար և միամիտ սեր դեպի խոտը, կովը, ծաղկած սարերը»:

Հայ նահապետական գյուղն իր բնորոշ մարդկանցով վաղուց արդեն չկա, բայց և կենդանի է իր մեծ տարեգրի՝ Բակունցի էջերում: Հայ հրաշալի պատմագիրները ներկայացրել են հայոց արքաների, կաթողիկոսների ու իշխանների լավ ու վատ գործերը, Բակունցը արթինների ու պետիների տարեգրին է, այսինքն՝ ռամիկի, անցյալի բուն ժողովրդի, գուցե նրա ամենալավ հատվածի:

Առանձնահատուկ են նաև ալսելյան հերոսական կերպարները՝ Անդո, Հաբուդ, Սեթ... Դրանք հին գյուղի նոր ու նորօրյա մարդիկ են: Եվ դարձյալ նրանց պատկերումներում ալսելյան ներկերն են. այս դեպքում ևս յուրաքանչյուրն ինքնուրույն անհատի իր դիմանկարով է հանդես եկել: Թեև, ըստ երկվության, ճիշտ է նշվում, որ այդ կերպարները Բակունցի երկերում խիստ եզակի են՝ համեմատած շարքաշության ու հեզության բնորոշ գեղջկական կերպարների բազմության ու բազմազանության հետ. բացի դրանից, բոլոր հերոսական կերպարների ծանր, արյունոտ վախճանը աննկատ մնալ չի կարող:

Բակունցն ասպարեզ հանեց գյուղի նաև, այսպես կոչված, բացասական կերպարների մի առանձին պատկերասրահ՝ խոջա Հիբան, Սկրտում, Եփրեմ («Կարմրաքար»), Պանին («Մթնաձոր»), Առաքել («Օրանջիա») և այլն: Ասում ենք, այսպես կոչված, քանի որ ինչպես մի շարք այլ մեծ արվեստագետներ, Բակունցը ևս չունեցավ բացարձակորեն բացասական կերպարներ. մարգկայինը ինչ-որ տեղ ապրում է ալսելյան ամենաբացասական կոչվելու արժանի հերոսների մեջ: Պատկերման այս եղանակը իր հետևողականությամբ նույնպես նոր գիծ էր հայ արձակի նախորդ «բացասական» կերպարների համակարգում:

Նախքան Բակունցը ոչ մի հեղինակ նրբորեն քանդակված հայ գեղջկական կերպարների այդպիսի մեծ քանակ և միաժամանակ նույնապիսի բազմա-

դանություն չ'իր բերել զրական ասպարեզ: Բացի այդ, Բակունցը բնավորութունների կերաման իր արվեստով, մարդկայինի վերհանման ուժգնությամբ, հայ դրականության մեջ, եթե կարելի է ասել, հաղթահարեց գյուղականի պատենելը: Այնպիսի խորությամբ և այնքան շոշափելի են բացահայտված նրա գեղջուկ հերոսների հոգեկան աշխարհները՝ զանազան նրբություններով, ելեէջումներով, որ առաջին դիրքում կանգնում են մարդիկ, մարդու հոգեկան կյանքի առեղծվածը, իսկ գեղջկականը մնում է իրրե ազգային-յուրահատուկի դրսևորում:

Ակսելյան ստեղծագործություններին բնորոշ ու դարձյալ՝ յուրովի մարդասիրությունը, համընդհանուր սիրո զգացումը դրսևորվեց ամենից ավելի հանձինս նրա գեղջկական կերպարների: Նա խորունկ իմաստություն ու փիլիսոփայություն հայտնաբերեց Զանգեզուրի մի աննշան գյուղում բնակվող այգևայան Ավանի ու ջրաղացայան Անդրու խոհերում («Կարմրաքար»), արդարության ու ազնվության ձգտումը մարմնավորված տեսավ մի հասարակ ջրորաշխի կյանքում («Լառ-Մարգար»), բնության հետ մրցող հոգեկան անարատության ու բարության բարձրակետը նշմարեց Այու սարի մի խեղճ հովվի մեջ («Այու սարի լանջին») ... Մենք գիտենք, թե ում է Ա. Պուշկինն իր գեղեցիկ ձոնեղրում անվանել «մաքուր գեղեցկության հանճար», որն իբրև փոխանցիկ տեսիլ հայտնվել է բանաստեղծի առաջ. դա Ա. Պ. Քերեն է՝ ազնվական ամենաբարձր դասից մի տիկին, իրոք շլացուցիչ իր գեղեցկությամբ: Իսկ Բակունցը մաքուր «գեղեցկության հանճար» տեսավ լեռնային մի հեռավոր բնակչում, սար եկած, աթարից կրակ անող բոբիկ գեղջկուհու՝ ալպիական մանուշակի դիմագծերում և պուշկինյան տողերի հետ մրցող արձակ վիպերգ ձոնեց նրան: Այլա՝ կանացի ամենաքնքրող զգացումը Ակսելը նշմարեց ցախ կրող ու քաղհան անող խոնարհ աղջկա մեջ: Սա ամենախոր ժողովրդայնության դրսևորումն է, որ նաև արտահայտությունն է մի առանձնահատուկ մարդասիրության, որը իր շեշտված գույներով զգալապես հարստացրեց հայ գրականության բարոյական ներքնախորանը:

Ակսելյան գրով ստեղծված հայ արձակի այնպիսի երկեր, ինչպիսիք են «Միրհավը», «Խոնարհ աղջիկը», «Ալպիական մանուշակը», «Սպիտակ ձին», «Կյուրևսը», «Տիրդանուհին», ինչպես և «Որդի որոտման», «Կարմրաքար» և «Աբովյան» վեպերի փրկված հատվածները և շատ ուրիշներ կարող են պատիվ բերել ցանկացած գրականությանը:

Բակունցի մարդասիրության մի դրսևորումն էլ ազգերի եղբայրության սրտաբուխ քարոզն է: Թոմանյանի նման նա ևս մեծ ոգևորությամբ խոսեց հայերի և հարևան ազգերի, նաև հեռու, մոտիկ բոլոր ժողովուրդների եղբայրության մասին: Նրա Հաղրոյի, Ավանի, Աթալի խոհերը եղբայրության մասին իր՝ Բակունցի երազանքն էր, նաև, Զարենցի ճիշտ բնորոշմամբ, ամբողջ հայ ժողովրդի երազանքը, քանի դեռ նա «Գեթ ափ մի հող ունի արեգակի ներքո»: Հայրենի եղերքից բռնությամբ զրկված, հարազատների շատ արյուն տեսած սասունցի փողահարն ասում է. «Հաղ մի երթամ տեսության մեր քարերին, մեր ձորերին, մեր Մարութա բանձր սարին: Առնիմ զիմ ծիրանի փող, ժողովիմ մարգերու, նստիմ անուշ խոսերու վրեն, հանց դառներ մարդիկ նստեն զիմ շորս բոլոր, երգեմ չնոնց խաղաղության զիմ երգեր, մարդիկ հալալ-զուլալ ախարտոց պես գրկեն զիրար, շեղնի ոչ տեր, ոչ մշակ, ոչ թուր, ոչ բռնություն»:

հաղաղությունը և բարեկամությունը հայերի ու նրանց բոլոր հարևանների միջև Բակունցը համարում էր ամենից ու մանավանդ իր ժողովրդի մեծագույն շահը: Պատահական չէ, որ նրա ստեղծագործություններում հանդես են գալիս հարևան ազգերի շատ ներկայացուցիչներ, իսկ մի շարք երկեր, ինչպես «Զորերի լույսը», «Սաբուն», «Սարալուն», «Բիշանագը» և ուրիշներ հատկապես նվիրված են հույների, ադրբեջանցիների, քրդերի և ուրիշ ազգությունների կյանքի ու բարի ձգտումների պատկերմանը: «Եղբայրության ընկուզենիներում» գովերգվում է հայ և ադրբեջանցի հողի աշխատավորների «տարերային» բարեկամությունը, իսկ «Խաչատուր Աբովյանում» ընթերցողին հուզում է ռուս ձկնորսի և ուսանող դարձած երիտասարդ հայ գյուղացու հոգեկան մտերմությունը:

Ազգերի եղբայրության ոգեշունչ գովքին Բակունցի երկերում միահյուսված է սեփական ժողովրդի ազգային ավանդների պահպանման կարևորության զգացումը, նաև մտահոգությունը այդ ավանդներից կարևորագույնի՝ հայոց լեզվի գոյատևման նկատմամբ: Բակունցը գեղարվեստական խոսքում ընդգծվածությամբ արտահայտվեց հայ ժողովրդի գոյատևման համար հայերենի ամենօրյա գործածության և հայկական դպրոցի վճռական նշանակության օգտին: «Կյորեսում» Բակունցի երգիծանքը՝ ուղղված քաղբենիության դեմ, ամենից որոշակի հարվածում է հայ քաղբենու արհամարհանքին սևիական ժողովրդի լեզվի ու հայոց դպրոցի նկատմամբ: Նրանց մասին է, որ Ա. Բակունցը «Կյորեսում» գրում էր. «Ի՞նչ ազգի մարդիկ էին և ինչ լեզվով էին խոսում, այնքան էլ հեշտ չի պատմել: «Պատվավոր» սլոգանայիններն ու կրթյալները, որ խավիար էին ճաշակում ու Հոկոսի գինի, իրենց վայել չէին համարում խոսել հայ հովիվների ու բլուտների լեզվով, այսինքն՝ հայոց լեզվով և ոչ իրենց դավախներին ուղարկել հայոց «խեղճ» ուսումնարան, որտեղ նրանք կարող էին նստել լվացարարու Մինայի երկխալի կողքին: Դրանց մասին Բակունցի գյուղացի հերոսներից մեկը՝ Աթա ապերն ասում է, թե նրանք իր ազգակիցը չեն, «որ նրանք հայ լինեն, ևս հայությունից դուրս կգամ... Խոշա Բաղիրի ժառանգները ի՞նչ հայ են կամ Ավաղիմովներն ի՞նչ հայ են...»: Հեղինակը ամփոփելով իր հերոսի տառն՝ ալիքսցնում է աղաաղդայնացու «սիրտդրստների» ու մեծամեծների մասին. «հողի չունենին, որ հոգևոր շահ ունենային»:

Բակունցը հայ ազգային հատկանիշների պահպանման միջնաբերդը համարում էր հայոց գյուղը: Միաժամանակ, Պոռչյանի, Աղայանի, Մուրացյանի, Թումանյանի նման, նա հայ ժողովրդի բարոյականության տկունքը գյուղաշխարհում էր որոնում: Հետզույն դարերից ի վեր հայոց շատ քաղաքներ ևս հայտնվել ու անհետացել, իսկ գյուղը՝ հայոց «Աթնաձորը», կարողացել է լուրջայն դիմանալ երկրի վրայով անցնող ասպառակիչ բոլոր խորշակներին՝ պահպանելով հայ ավանդականը, լեզուն, կյանքի բարոյականությունը, — սա է Բակունցի պատմափիլիսոփայության մի կտկան կողմը: Եվ այս է պատճառը, որ գրողը ցավ էր ապրում, երբ հայ երիտասարդները սկսում էին դանդաղաբար լքել իրենց պատկենական տները, հայոց բնաշխարհը («Կարմրաքար», «Հին տանը» և այլն): Միաժամանակ որպես գյուղատնտես, դիմված նորադույն գիտելիքներով՝ Բակունցը կոչում էր հայ գյուղի համամասնություն, առհասարակ հնի գեմ, ջանում ամեն կերպ պատվաստել նորը գյուղում: Գրողի մեջ առաջանում էր ներքին հոգեկան բախում. մի կողմից նրան

ամենից ավելի սիրելի էին ու հոգեհարազատ հայ գյուղի նահապետները՝ Դի-
յան դայիները, Ալվան ամիները, Արթին պապերը, որոնք մանկական մաքրա-
սրտությամբ, բարոյական բարձր հատկանիշներով հանդերձ պատմության
ասպարեզից վերանում էին, տեղի տալով նոր բարքերի, նոր մարդկանց, մյուս
կողմից ինքը՝ Բակունցը այդ նորերից մեկն էր և իր գործունեությամբ նպաս-
տում էր հայ նահապետական գյուղի առհավետ վերացմանը։ Սա գրողի ներ-
սում հաճախ նուրբ մի թախիժ ու տրտմություն էր առաջ բերում, որ և ար-
տահայտված է նրա մի շարք երկերում՝ «Մինա Բիբին», «Մթնածորի չարքը»,
«Կյորես», մանավանդ՝ «Հին տանը», ինչ-որ չափով «Պրովինցիայի մայրա-
մուտք» և այլն։ Այս նկատելով էր, որ Զարենցը գրեց.

Քո «Մթնածորում» թախիժ է ծորում,
Ու կարոտ՝ մանկութ հարազատ ձորի,—
Աշխատիր, սակայն, որ մութ այդ ձորում
Քո պայծառ ուղին անդարձ չկորի։

Ակսելյան վրձինով աշխարհ եկած գույները, ասվեց, որ շատ յուրօրինակ
էն, մյուսներից անմիջապես զանազանվող։ Պայծառ են, բայց միաժամանակ
ինչ-որ մտածում, խոհ են պարունակում իրենց մեջ, արտացոլում են ներքին
մի տխրություն։ Հիշենք աշնանային մի բնանկար «Միրհավից»։ «Ամայի ձո-
րերում, դեղնակարմիր անտառի և հնձած արտերի վրա իջել էր մի պայծառ
տխրություն»։ Գրողի կերպարներից ու բնանկարներից, վերհուշերից ու քնա-
րաշունչ խոսքից զգում ենք այդ պայծառ տխրությունը, Բակունց մարդու և
արվեստագետի հոգու արտացոլումը։

Հափնաբար, տխրության երանգը, ինչպես և գրեկներպի որոշ այլ
առանձնահատկություններն են պատճառը, որ Բակունցին անվանել են ար-
ձակի Տերյան։ Ընդհանրապես է, թեև թերի Թերի նախ այն պատճառով, որ
Բակունցը իր գրական ատաղձով, լեզվով, տրամադրություններով զգալի չա-
փով նաև թումանյանական է, ապա և մանավանդ այն, որ միահյուսելով հայ
գրականության ոճական երկու գլխավոր (երբեմն հակադիր, բայց և միմյանց
լրացնող) ուղիները՝ թումանյանական և տերյանական, Ակսելը միանգամայն
նոր ու նորածին երևույթ էր և լուսապայծառ բոլորովին նորովի։

Բակունցը Տերյանի հետ ունի նաև մի այլ, եթե կարելի է ասել, պատմա-
կան բնութքի ընդհանրություն։ Դա նրա խոսքային նորարարությունն էր և նո-
րարարական ուժը։ Տերյանի՝ 1908 թ. լույս տեսած «Մթնշաղի անուրջներ»
գրքույկը հայ բազմադարյան բանաստեղծության մեջ աննախադեպ էր իր լեզ-
վաոճական նորությամբ, թարմությամբ, հետևորդների հսկայական քանակով
և արևելահայ բանաստեղծության լեզվի զարգացման ճանապարհին կատա-
րած ուղենշող դերով։ Նման դերը հայ արձակի ասպարեզում կատարեց Բա-
կունցի «Մթնածոր» ժողովածուն, տպագրված 19 տարի հետո։

Հայ նոր գրականության պատմությունը անցյալ դարի կեսերից սկսած
շատ կողմերով նաև գեղարվեստական-ազգային լավագույն ոճի որոնման
պատմություն է։ Այդ ճանապարհին հոյակապ գյուտեր են արվել. կարելի է
հիշել Բաֆու պատմա-ռոմանտիկ գունեղ ոճը, թումանյանական խոսքի ժո-
ղովրդային գոհարները և այլն։ Այդ բնագավառում ուղենշող գործ կատարե-
ցին նաև Վ. Տերյանն ու Ա. Բակունցը, առաջինը՝ չափածոում, երկրորդը՝ ար-

ձակում: Եվ եթե ձիշտ է, որ 1908 թ. հետո հանդես եկած արևելահայ բանաստեղծները ծնվել են տերյանական մթնշաղից, նույնքան ձիշտ կլինի նաև, եթե ասենք, որ Բակունցի ասպարեզ գալուց հետո հայ արձակն անցավ ակսելյան մթնաօդում, առավ նրա բույրերն ու գույները: Հայտնի են տերյանական մթնշաղից ծնված բանաստեղծները՝ Անուրջից ու Մենուհուց մինչև Քալաշյան, Մահարի ու Չարենց: Նույնքան հայտնի են նաև բակունցյան Մթնաձորից հասակ առած արձակագիրները՝ Վ. Անանյան, Ս. Խանզադյան, Վ. Խեչումյան... մինչև «Ահնիձորի» հեղինակն ու նրանից հետո:

Գրականության ազգային բնույթի խնդրում ևս Բակունցը դասական բարձրության վրա է. իրավացի է ռուս գրականագետ Կ. Զելինսկին, երբ ասում է, որ հայ ազգային յուրահատկությունը բացահայտելու տեսակետից Բակունցի երկերը շատ ավելին են տալիս, քան կարող են տալ դիտական բազում ստվար հատորներ: Իսկական գեղարվեստը ծնվում է ազգային հողի վրա: Այդպիսին է Բակունցի ստեղծագործությունը: Դարերի խորքերից եկող սովորությունները, հայ շինականի տան ներսն ու դուրսը, կահ-կարասին, հագուստը, գյուղական տարբեր սովորությունները, հայկական կենցաղի բազում մանրուքներ Բակունցի երկերի գեղանկարչական միջավայրն են, բնավորությունների, հոգեկան կյանքի զարգացման մշտական ուղեկիցները: Իսկ ամենից ավելի ուժեղ ազգային կնիք, թերևս, ունեն Ակսելի գեղջկական կերպարները՝ իրենց տարբեր բնավորություններով հանդերձ:

Եվ չնայած ազգային այս հագեցվածությանը, ավելի ձիշտ նաև դրանով, Ա. Բակունցը նշեց այն ամենաուղիղ ճանապարհներից մեկը, որով հայ ազգային արձակը կարող է ընթանալ դեպի համաշխարհային ամենախիստ չափանիշներով բնութագրվող գեղարվեստական մակարդակը: Դրա դիտարկումը պատճառը ակսելյան երկերի մեջ շնչող սերն է, մարդասիրությունը՝ բյուրեղյա արվեստի ուժով արտահայտված, որն այս դեպքում և, գուցե ընդհանրապես, կարող էր հանդես գալ միայն ազգային կերպարանքով: Բակունցի ստեղծագործությունը նաև մի նոր ապացույց էր այն հին ճշմարտության, որ իսկական արվեստը կարող է ծաղկել միայն ազգային հողի վրա:

Եթե Բակունցի ստեղծագործական կյանքի առաջին տասնամյակը (1913—1923 թթ.) կարելի է անվանել նախապատրաստական, երկրորդը (1924—1934 թթ.)՝ ծաղկման, ապա երրորդը, որ նոր միայն սկսվել էր, ինչպիսի ցույց են տալիս գրողի վերջին ստեղծագործական ջանքերը, կարող էր դառնալ բարձրակետային: Դա պարզ երևում է «Խաչատուր Աբովյան» վեպի պահպանված հատվածներից: Հայ արձակում վիպական ոճի աննախադեպ կտորներ են դրանք. հին Երևանի, Չարսու բազարի հալվազյուտորեն տպավորիչ, գունեղ պատկերներին հաջորդում են հեռավոր Դորպատի բնակարանները: Չարմանում ես, Ջանդեգուրի, Հայաստանի այդ խիստ ազգային դեղանկարիչը ինչպես է նոր գույներ գտել զուտ եվրոպական կյանքն ու կենցաղը, լավրուպցի պրոֆեսորների նեղ շրջապատը և դորպատյան համալսարանական ուսանողության հախուռն կյանքը այդքան համոզիչ վերարտադրելու համար: Վարպետության նոր բարձունքի էր հասցված գլխավոր հերոսի՝ Խաչատուրի կերպարի դարձացումը: Հուզաթաթավ վերհուշի հնարանքը, որ հատուկ է Բակունցի շատ երկերի («Միհրհավ», «Նամակ ռուսաց թագավորին», «Լառ-Մարգար» և այլն), այստեղ ասքային նոր արժեք է ստանում, երբ գլխավոր հերոսի գյուղական մանկությունը, վանական պատանեկությունը, վերելքը դեպի Արարատի գա-

կաթ ներկայացվում են քնարական վերհուշի վարպետորեն կերտված շղթա-
լով: Մի շղթա, որի հետագա զարգացումը գլխավոր հերոսին պետք է տաներ
դեպի Արաքսի սլուս ափը, ապա Իտալիա՝ գարիբալդիական շարժմանը միա-
նալու նպատակով:

«Խաչատուր Աբովյանը» Ա. Բակունցի գրչի տակ գաղտնու էր հայոց լա-
վաղուն պատմավեպերից սեկը: Նրա հատվածներն այսօր, մոտավորապես,
ցույց են տալիս, թե առհասարակ ինչպիսին կարող էր լինել գրողի ստեղծա-
դորժական կյանքի ողբերգորեն ընդհատված երրորդ տասնամյակը:

Բակունցը հայ դրական կյանքում նաև այլ կարգի «հետքեր» է թողել. մի
շարք գլուխների, պարբերականների խմբագիր, երկերի հրատարակման ողբշնչող
լինելուց բացի, առավել կարևոր է նրա ու Չարենցի մտերմության շնորհիվ
ստեղծված «Դեպի լյաոն Մասիս» շարենցյան գեղեցիկ վիպերգը, ինչպես և
նրա ու Դ. Դեմիրճյանի թարեկամության շնորհիվ, Ակսելի խորհրդով ծնունդ
առած «Վարդանանք» պատմավեպը:

Այս տարի Բակունցը «դարձավ» 80 տարեկան, թեև նա միայն այդ տա-
րիների կեսն է ապրել: Ծամանակին շատերը հասկացան, որ հանձին Բա-
կունցի հայ դրականության երկնակամարում փայլել սկսեց առաջին մեծու-
թյան աստղը:

Ժամանակին Բակունց երևույթը ամբողջ մեծությամբ զգաց, հասկացավ
Չարենցը. «Իմ միակ բարեկամին», «Պայծառ բարեկամիս», «Որպես նշան
դրական և անձնական անխախտ սիրո և բարեկամության» — սրանք շարենց-
յան նվիրագրություններն են՝ ուղղված իր ընկերոջը, իսկ դրանց պսակը
1937 թ. Չարենցի գրած րանաստեղծությունն է.

Եվ րառերի համար քո մարմարյա,
Հնամենի րուրյան, որպես մեր հին
Քարաքանդակ անդուռ մատուռների
Անջնջելի գրերը հնադարյան...

Եվ իրոք, Բակունցի արվեստը այսօր կանգնած է հայ մշակույթի հինա-
վուրց քարաքանդակ կոթողների շարքում՝ որպես մարդասիրությամբ առգոր-
ված գեղարվեստական արձակի հրաշալի օրինակ:

АКСЕЛЬ БАКУНЦ
(к 80-летию со дня рождения)
РАФАЭЛ ИШХАНЯН

Резюме

А. Бакунц был крупным новатором в области развития армянской художественной прозы. В своем творчестве он объединил два стилистических направления восточноармянской литературы — туманяновское и терьяновское. Избрав основной темой своих произведений жизнь армянской деревни, Бакунц создал галерею разнообразных, глубоко человеческих, оригинальных образов. В образах простых крестьян, ничем не выделяющихся в своей среде, Бакунц с большим художественным мастерством и любовью раскрыл все богатство духовного мира тружеников земли.